

# Ramazanski Bilten

Bošnjački islamski centar Hamilton

Ramazan 1434 H.G./2013

## *Ramazan je blagodat velika*

Ramazan ljudima donosi darove neprocjenjive. Poslanik ih u svom pred ramazanskom obraćanju nabraja ovako: "Ljudi, prikućio vam se častan mjesec, mjesec blagoslova, sreće i napretka, mjesec u kojem je noć Kadr vrijednija od hiljadu mjeseci u kojima te noći nema. Allah naređuje da obdan postite a noći u ibadetu provodite. Ko obavi nafilu u Ramazanu kao da je obavio farz izvan njega a ko obavi farz u Ramazanu kao da je obavio sedamdeset farzova izvan Ramazana. Ramazan je mjesec strpljivosti a nagrada za strpljivost je džennet. To je mjesec međusobnog ispomaganja

muslimana, mjesec u kojem se povećavaju prihodi i opskrba vjernicima. Posebno praktikujte u Ramazanu četiri stvari: dvije kojima ćete zadovoljiti Stvoritelja i dvije bez kojih ne možete. Stvoritelja ćete zadovoljiti kelime i šehadetom i istigfarom a bez traženja dženneta i zaštite od džehennema ne možete. Ko priredi iftar postaču ima nagradu postača i bit će mu oprošteni mali grijesi učinjeni prema Allahu." Ramazan, sam po sebi je dar. Kao što je kiša suhome tlu dar neprocjenjiv, Ramazan je ljudima. Samo ime ga takvom poređenju vodi jer riječ REMEDUN znači, kiša

Budimo svjesni da ramazan, mjesec milosti, dolazi da nas odgoji i nauči kontroli naših prohtjeva. I u tome svjedočimo veličinu Allahove mudrosti. Jer, onaj ko nauči kontrolisati svoja najsnažnija htjenja, biva nadahnut mudročću da sebi odabere ono što mu najviše koristi i blagostanja donosi. Allah Svemilosni nam post propisuje, da bi se intenzivnije Njemu približili: grijeha se kloneći, dobro čineći, protiv ružnih navika se boreći, o slabima misleći, dobre ljude hvaleći, za griješne oprosta moleći. Moleći Allaha Svemogućeg da nam ovaj mubarek mjesec ne uskrati ni jednu od svojih veličanstvenih blagodati, svim članovima Bošnjačkog islamskog centra Hamilton iskreno čestitamo nastupanje mubarek mjeseca ramazana: RAMAZAN ŠERIF MUBAREK OLSUN!

Izvršni i Nadzorni Odbor BIC Hamilton


## Ramazanska čestitka



Prvi dan mjeseca Ramazana prema Takvimu Rijasetu Islamske zajednice u BiH je u utorak 09. Jula 2013.

Mjesec posta i radosti ima za svrhu da se vjernici odazovu Allahovoj naredbi, da bi suzdržavajući se od jela, pića, pušenja i drugih čulnih uživanja zaslužili Njegovo zadovoljstvo, te tako sebi priuštiti radost.

Poštovana braćo i sestre u Islamu! Čestitam vam dolazak Ramazana! Želim da ga postite sa svojim porodicama u miru, zadovoljstvu i duševnom raspoloženju. RAMAZAN ŠERIF MUBAREK OLSUN!  
Ismail ef. Fetić



koja padne na suho tlo. Kao što kiša oživi zemlju, Ramazan probudi duše ljudske. Vidljivo je to po ponašanju ljudi u Ramazanu. Gotovo svaki musliman svoje ponašanje prilagodi tom časnom mjesecu. Ako ne posti, krije se. Ako pije, prestane. Ako rjeđe ide u džamiju, u Ramazanu odlazak u nju intenzivira, itd.. Post je dar neopisiv. Nagrada za njega je, kako hadis kaže, sakrivena, neopisana a Uzvišeni Allah u hadisi kudsiji veli: "Svako djelo čovjekovo pripada čovjeku, osim posta, on je Moj i Ja za njega posebno nagrađujem".

Posebnost posta je u tome što on čovjeka uči da se može odreći onog što Allah zabranjuje i tu svoju sposobnost pokazuje odricanjem od hrane, vode i užitka uopće „post je štit, pa kada postite ne govorite ružno i ne svađajte se a ako vas neko na to zove recite, ja postim. Zadah iz usta postača na Ahiretu ljepši je od mirisa miska. Postač ima dvije radosti, raduje se iftaru i svome postu pri susretu sa Gospodarom“ govorio je Poslanik opisujući post kao nemjerljivi dar koji je čovjeku zaštita na oba svijeta. Na dunjaluku od grijeha, na Ahiretu od vatre. Teravija je dar. Ona je poslanikova praksa

koja zbog činjenice da se u Ramazanu čini postiže vrijednost farza. Teravija je dar koji nas uči i navikava na džemat, a džemat je put, siguran put do Allahove milosti. Teravija je dar koja okupljajući nas omogućava nam da upoznamo jedni druge, da znamo za probleme drugih pa iz nje proizilazi ramazanski poklon spomenut u poslanikovim riječima: "To je mjesec međusobnog ispogaganja muslimana". Ramazan se kruniše bajramom koji se IDUL-FITR zove a ibadet kojeg je nužno ispuniti do tog dana zove se SADEKATUL-FITR. Kroz ovaj ramazanski dar koji je iz sfere imovinskog ibadeta čovjek spoznaje Islam kao cjelinu, Islam koji zahtijeva i duhovni i tjelesni i imovinski ibadet i donosi duši mir, tijelu zdravlje, imetku sigurnost. Iftar je dar. Poslanik kaže da postač ima dvije radosti. Prva je iftar, a on osim ličnog zadovoljstva donosi i nagradu. Pripremiti iftar postaču omogućava nagradu postača. Kad sve nabrojane i mnoge ne spomenute darove Ramazana sagledamo vidimo da nas Ramazan zove da se jedni prema drugima otvorimo, da džemat gradimo, da se družimo i bratske odnose razvijamo. Zove nas da ne zatvaramo vrata pred

problemom brata. Zove nas da se grijeha klonimo i iz Ramazana čisti izađemo. Musa a.s. je pitao Gospodara je li ikom dao veću počast nego njemu koji je s Njim razgovarao. Allah je rekao postači Muhammedovog ummeta više su počašćeni jer kad su u postu između Mene i njih nema zastora.

Draga braćo i sestre iskoristimo Ramazanske darove i budimo svjesni da je milost Ramazana čovjeku ono što je kiša ispucaloj, suhoj zemlji.

Uzvišeni Bože, učini nas od onih koji će u Džennet na vrata REJJAN ući. Uzvišeni Bože, pomoz nam, podari nam snagu i sabur da ispostimo Ramazan kako to i dolikuje, primi nas u okrilje Tvoje milosti, udalji nas od nečasnih mjesta.

Molimo Uzvišenog Allah dž.š. da upućenima učvrsti vjerovanje i podari sabur, a neupućenima da podari uputu pa neka i oni osjete ljepote Islama i čari Ramazana



Sve informacije o ramazanu, bajramu, kolektivnim iftarima u džamiji i svim drugim aktivnostima BIC Hamilton tokom ramazana možete naći u posebnom prilogu ovog Biltena u tradicionalnoj **Ramazanskoj Vaktiji**.

**Obavezno posjetite našu web stranicu** Odbori Bošnjačkog islamskog centra Hamilton i imam pozivaju sve članove da obavezno posjećuju našu web stranicu i tako se na najbolji način informišete o aktivnostima naše zajednice.

[www.bichamilton.com](http://www.bichamilton.com)

## Obilježen Dan bijelih traka u našoj zajednici



Pod pokroviteljstvom Instituta za istraživanje genocida, Kanada, **Kongresa Bošnjaka Sjeverne Amerike, Ogranak za Kanadu i Bošnjačkog islamskog centra Hamilton**, kanadski Bošnjaci su obilježili 31. maj – “Svjetski dan bijelih traka”, kojim su podsjetili još jednom na žrtve genocida u Prijedoru, koje su mučene i ubijane samo zbog pripadanja drugim vjerskim i narodnim grupama.

Ovakav zločin ne smije biti zaboravljen i građani Prijedora, porodice žrtava, državljani Bosne i Hercegovine imaju pravo na sjećanje, komemoraciju i memorijale, koji ni 20 godina nakon zločina, nisu dozvoljeni. Dužni smo da podsjećamo na agresiju i genocid, kako se više nikada ne bi ponovili, ali i da činimo sve kako bi počinioци izašli pred lice pravde, poruka je kanadskih Bošnjaka.

Nošenjem bijelih traka kanadski Bošnjaci su dali svoj doprinos kolektivnom sjećanju. Samo istinom i pravdom se može doći do pomirenja. Mi ne mrzimo nikoga te na današnji dan šaljemo poruke mira i ljubavi svim građanima Bosne i Hercegovine, ali se ne možemo miriti bez istine i pravde. Istina je da se u Prijedoru desio genocid. Istina je da još nema pravde za žrtve tog zločina.

## Uspješno završena još jedna školska godina mekteba i škole bosanskog jezika



U sklopu manifestacije polaganja kamena temeljca za novi Bošnjački islamski centar Hamilton izvršena je podjela diploma za polaznike mekteba i škole bosanskog jezika školske 2012 – 2013 godine. Mekteb i školu bosanskog jezika ove godine je uspješno završilo 43 polaznika. Još jednom svim učenicima čestitamo na pokazanom zavidnom znanju. Roditeljima čestitamo na upornosti i redovnom dovođenju djece. Istovremeno apelujemo na sve roditelje koji imaju djecu uzrasta od 7 do 14 godina da svoju djecu dovode u mekteb i školu bosanskog jezika i tako na najbolji način spase svoju djecu od stalno rastuće asimilacije. Informacija o upisu učenika u novu školsku godinu biće naknadno dostavljena svim članovima naše zajednice.

## Položen kamen temeljac



U prisustvu više stotina kanadskih Bošnjaka i istaknutih gostiju gostiju iz kanadskog političkog života položen je kamen temeljac za novu, bošnjačku džamiju i centar u Hamiltonu, gradu gdje do sada nije

bilo džamije sa munarom. Za 13 godina svoga djelovanja, Bošnjački islamski centar Hamilton pokazao se kao zajednica vjernika sposobna da se bori za očuvanje i jačanje islamske, bošnjačke i bosanske komponente bošnjačkog bića, ali i da pomogne svojim članovima u integriranju u kanadsko društvo na način koji će im omogućiti da usvoje ono što je u njemu pozitivno, a da pri tom ne izgube ništa od svoje muslimanske i bošnjačke posebnosti. Svojom aktivnošću tokom proteklih godina Bošnjački islamski centar Hamilton pokazao je da džemat u životu vjernika ima društvenu i duhovnu misiju od ogromnog značaja. Zajedništvo u ime Allaha povezuje i snaži redove, čisti duše, budi srca i umove, rješava probleme. U isto vrijeme, to je najsigurniji štitić od odbrani od stalno prijeteće asimilacije, izgubljenosti, zalutalosti. Ističući islamski i nacionalni identitet kao osnovu i temelj svakoj zdravoj bošnjačkoj nadgradnji naročito za Bošnjake u dijaspori, rukovodstvo džemata uvijek je imalo sluha i za brojne druge sadržaje i oblike djelovanja. Time je ispoštovalo obećanje dato u pismu o namjeri osnivanja: da će džemat, prije svega, podizati islamsku svijest kod svojih pripadnika; raditi na jačanju njihove nacionalne, državotvorne i teritorijalne vijesti; posebno ulagati napore na planu okupljanja mladih na zdravim vrijednostima islama i izvornoj bošnjačkoj tradiciji. Samo zahvaljujući takvoj aktivnosti Bošnjački islamski centar Hamilton je mogao doći do ovoga historijskog trenutka. **Odbori i imam BIC Hamilton se zahvaljuju svima koji su svojim zalaganjem doprinijeli da ovaj historijski trenutak za našu zajednicu ostane u vječnom pamćenju svijtu nas. Hvala svim.**



# BOŠNJAČKI ISLAMSKI CENTAR HAMILTON

202 BARTON STREET, STONEY CREEK ON L8E 2K2 TEL: 905-662-3678 www.bichamilton.com



## RAMAZANSKA VAKTIJA 2013/1434

Nijet za post: "NEVEJTU EN ESUME EL-JEVME MIN ŠEHRI RAMADANE"  
("ODLUČIH DA POSTIM OVAJ DAN U IME ALLAHA")

Dova za iftar: "ALLAHUMME LEKE SUMTU VE 'ALA RIZKIKE EFTARTU "

("ALLAHU MOJ, U IME TEBE SAM POSTIO I TVOJOM OPSKRIBOM SE IFTARIM")

MUBAREK RAMAZAN ŽELI VAM BOŠNJAČKI ISLAMSKI CENTAR HAMILTON

RAMAZAN	DAN	DATUM	SABAH	IZLAZ	PODNE	IKINDIJA	AKŠAM	JACIJA
1434. H.G.	U SEMICI	PO KAL.	IMSAK	SUNCA	ZUHR	ASR	IFTAR	TERAVIJA
1. Ramazan	Utorak	9.Jul	4:04	5:48	1:25	6:42	9:01	10:45
2. Ramazan	Srijeda	10.Jul	4:06	5:49	1:25	6:41	9:01	10:45
3. Ramazan	Četvrtak	11.Jul	4:07	5:49	1:25	6:41	9:00	10:45
4. Ramazan	<b>Petak-džuma</b>	<b>12.Jul</b>	<b>4:08</b>	5:50	1:26	6:41	9:00	10:45
5. Ramazan	Subota	13.Jul	4:09	5:51	1:26	6:41	8:59	10:45
6. Ramazan	Nedjelja	14.Jul	4:11	5:52	1:26	6:40	8:58	10:45
7. Ramazan	Ponedjeljak	15.Jul	4:12	5:53	1:26	6:40	8:58	10:45
8. Ramazan	Utorak	16.Jul	4:13	5:54	1:26	6:40	8:57	10:45
9. Ramazan	Srijeda	17.Jul	4:15	5:55	1:26	6:39	8:56	10:45
10. Ramazan	Četvrtak	18.Jul	4:16	5:55	1:26	6:39	8:55	10:45
11. Ramazan	<b>Petak-džuma</b>	<b>19.Jul</b>	<b>4:17</b>	5:56	1:26	6:39	8:55	10:30
12. Ramazan	Subota	20.Jul	4:19	5:57	1:26	6:38	8:54	10:30
13. Ramazan	Nedjelja	21.Jul	4:20	5:58	1:26	6:38	8:53	10:30
14. Ramazan	Ponedjeljak	22.Jul	4:22	5:59	1:26	6:37	8:52	10:30
15. Ramazan	Utorak	23.Jul	4:23	6:00	1:26	6:37	8:51	10:30
16. Ramazan	Srijeda	24.Jul	4:25	6:01	1:26	6:36	8:50	10:30
17. Ramazan	<b>Četvrtak-Dan Bedra</b>	<b>25.Jul</b>	<b>4:26</b>	6:02	1:26	6:36	8:49	10:30
18. Ramazan	<b>Petak-džuma</b>	26.Jul	4:28	6:03	1:26	6:35	8:48	10:30
19. Ramazan	Subota	27.Jul	4:29	6:04	1:26	6:34	8:47	10:30
20. Ramazan	Nedjelja	28.Jul	4:31	6:05	1:26	6:34	8:46	10:30
21. Ramazan	Ponedjeljak	29.Jul	4:32	6:06	1:26	6:33	8:45	10:15
22. Ramazan	Utorak	30.Jul	4:34	6:07	1:26	6:32	8:44	10:15
23. Ramazan	Srijeda	31.Jul	4:35	6:08	1:26	6:32	8:43	10:15
24. Ramazan	Četvrtak	1.Aug	4:37	6:09	1:26	6:31	8:41	10:15
25. Ramazan	<b>Petak-džuma</b>	<b>2.Aug</b>	<b>4:38</b>	6:10	1:26	6:30	8:40	10:15
26. Ramazan	<b>Subota-Lejletu-l-Kadr</b>	<b>3.Aug</b>	<b>4:40</b>	6:11	1:26	6:29	8:39	10:15
27. Ramazan	Nedjelja	4.Aug	4:41	6:13	1:26	6:29	8:38	10:15
28. Ramazan	Ponedjeljak	5.Aug	4:43	6:14	1:26	6:28	8:36	10:15
29. Ramazan	Utorak	6.Aug	4:44	6:15	1:26	6:27	8:35	10:15
30. Ramazan	Srijeda	7.Aug	4:46	6:16	1:26	6:26	8:34	10:15

LOKALNE VREMENSKE RAZLIKE: Niagara Falls -2min; Kitchener & Guelph +4min; Waterloo +4min; London +7min;

**BAJRAM JE U ČETVRTAK, 08-og AUGUSTA 2013.**

BAJRAM ĆEMO KLANJATI U 8:30 AM U ARMENIJSKOJ SALI-191 BARTON STREET A SABAH-NAMAZ U 5:50 AM

PRIGODNA PREDAVANJA ĆE BITI PETKOM, SUBOTOM I NEDJELJOM 10 min. PRIJE TERAVIJE

- TEWHID ŠEHIDIMA POVODOM DANA BEDRA U SRIJEDA, 24-og JULA, PRIJE TERAVIJE
- OMLADINSKI IFTAR I PREDAVANJE NEDJELJA 28. JULI
- ZAJEDNIČKI IFTAR DŽEMATALIJA SUBOTOM;
- LEJLETUL-KADR JE U SUBOTU, 3. AUGUSTA; ZAJEDNIČKI IFTAR I TERAVIJA U ARMENIJSKOM CENTRU
- SADEKATUL-FITR JE PO OSOBI \$10